

Završni događaj SPATIAL II projekta održan u Beogradu

09.12.2024 14:14



U periodu od 4. do 6. decembra 2024. godine u Beogradu je održan završni događaj glede regionalnog projekta SPATIAL II , koji se bavio modernizacijom geodetskih procesa i upravljanjem prostornim podacima na Zapadnom Balkanu. Domaćin ovog važnog skupa bio je Republički geodetski zavod Srbije (RGZ), a događaj je okupio predstavnike ključnih geodetskih institucija iz regiona, uključujući Federalnu upravu za geodetske i imovinsko-pravne poslove (FGU), kao i delegacije iz Crne Gore, Albanije, Kosova i Sjeverne Makedonije.

SPATIAL II projekat je započeo 2020. godine uz finansijsku podršku Kraljevine Holandije, imao je za cilj jačanje kapaciteta nacionalnih geodetskih agencija za prikupljanje, analizu i razmjenu prostornih

podataka, a ključni partner bio je Kadaster, nacionalna agencija za zemljišnu administraciju Holandije.

Projekat je trajao četiri godine, tokom kojih su institucije u regionu dobivale kontinuiranu podršku kako bi unaprijedile digitalne registre, standardizovale procedure i povećale interoperabilnost svojih sistema, a poseban naglasak je bio na primjeni novih tehnologija.

Tokom završnog skupa, učesnici su predstavili rezultate rada i razmijenili iskustva stečena u procesu implementacije projekta. Posebno su istaknuti sljedeći uspjesi:

- Razvoj modernih digitalnih geodetskih proizvoda poput digitalnih modela terena i ortofoto snimaka.
- Unapređenje infrastrukture za razmjenu podataka između zemalja regiona.
- Uvođenje inovativnih tehnologija za upravljanje prostornim podacima, s posebnim fokusom na ažuriranje zemljišnih registara.

Također, diskutovano je o izazovima u procesu digitalizacije, uključujući pravne i tehničke prepreke, te je istaknuta potreba za daljnjom regionalnom saradnjom i održivim upravljanjem prostornim resursima.

SPATIAL II je ostavio značajan trag u unapređenju geodetskih praksi na Zapadnom Balkanu, postavljajući temelje za buduće projekte usmjerene na digitalizaciju i modernizaciju prostora. Učesnici su istaknuli važnost nastavka saradnje, posebno u kontekstu harmonizacije sa standardima Evropske unije.



```
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```